


A *rubá***A** *ntaño*

MONUMENTONAN di nos Aruba di Antaño...ta un verdadero lastima cu den curso y cambionan di nos gobiernonan no tabatin e verdader vision di e valor di e monumentonan (e poco nan) cu nos tin pa cu Aruba. Hopi a bai perdi of hala un banda pa duna lugar pa moderniza nos ciudad capital. Awor nos kier ilustra loke e turistanan ta yama "landmark" y esey ta nos Willem III Toren y Fort Zoutman banda di dje cu tambe tin su historia den nos Aruba di Antaño. Por poco nos no a perde e toren aki, ora cu a ser menciona cu e ta forma un idea den nan cabez pa ser basha abao. Si esaki a ser kita for di caminda for di ariba e suelo di nos isla, hopi lo ta e perdida hiba cu esaki. Tuma por ehemplo Fort Zoutman, construi na aña 1796. Tanto e forti como e toren cu ta e Willem III a ser restaura den e decada 80. Despues el a bira e Museo Historico, y awe caminda e presonan tabata haya e oportunidad pa "lucht" esta coi aire y keda un tanto for di e sanguranaan cu tabata chupa nan sanger di dia y di anochi den nan cel preta. Eski a keda converti den un lugar (Bon Bini Festival) cu entretenamiiiento pa e turistanan y nos mes hendenan local. Esaki ta un verdadero monumento historico di nos isla y hopi por ser conta di dje Nomas nos kier relata algun cu no a ser menciona ni publica riba folders ni den e bukinan cu a ser publica rond di e monumento aki. Su top tabata e faro pa guia nos barconan y e barconan cu drenta nos haaf. E forti por a acomoda o mihor bisa cera e presonan cu tin di sinta nan condena. Esnan cu a comete crimen nan mas pisa manera asesinato lo tin di carga un bazla di hero manera na nan pia cu cadena. Hasta e venezolano Rafazel Urbina cu a yega di secuestra e gouverneur di Corsow y hiba esaki cu e bapor Trujillo, a yega di ser arresta na Aruba y poni den un di e celnan di e Forti aki. Despues cu Aruba a haya su Status Aparte e prome ministronan a huramenta den e lugar cu tabata e cushina di e forti pa e presonan. Esakinan tur dia un di nan mester a hala funchi, y ora di feita tur tin cu feita cu e mesun navaja. Tin hopi mas cu nos por conta di e Willem III Toren y Fort Zoutman.